



СЛУЖБА

СОВОРУ СВЯТЫХ,
В ЗЕМЛИ ДИВЕЕВСТЕЙ
ПРОСИЯВШИХ

(МЕСЯЦА ИЮНЯ В 14-Й ДЕНЬ)



Месяца ию́ня в 14-й день.

Всех святых, в землѣ Дивеевстей просиявших.

НА МАЛОЙ ВЕЧЕРНИ

На Господи, воззвах: стихиры святых на 4, глас 5:

Небо звездами, Владыко, украсивый/ и Твоими
святими всю землю просветивый/ увенчал еси всечестный
собор всех дивеевских святых/ Тебе возлюбивших и всем
сердцем Тебе взыскавших,/ Твоей же Пречистой Матери
неослабно послуживших,/ иже не престают милостивно
пещися о рабех своих,/ светолучными сиянии чудотворений
озаряюще,/ многоразличных обстояний избавляюще,/
сокрушенным сердцам отраду подающе,/ ихже тепле
просим:/ о святии, помолитесь о нас,// чтущих любовию
святую память вашу. (Дважды)

Множество звезд, Вседержителю, исчитавай,/ и всем
им имена нарицавый,/ всех святых в земли Дивеевстей
просиявших,/ ихже имена Ты, Господи, веши,/ се приял
еси в Царство славы несказанная,/ священники Твоя
облекл еси во спасение,/ и преподобнии Твои
возрадовашася./ Сего ради и мы ходатаев небесных

просим:/ О угодницы Божии, прилежно молитесь/ усердно
нам Богу угодати,/ веру соблюсти православную,/ от бед
отечеству нашему избавитися/ и всем верным спастися,//
величающим любовию святую память вашу.

Глас 4:

Преподобне отче Серафиме,/ любовию к Богу
распалаяся,/ тленная вся оставил еси/ и избранник
возлюблен Божия Матере явился еси,/ об обители Ея
попечение отеческое имея,/ по благословению и воли Ея
вся устроял еси,/ неизреченных таин откровение приемый./
О старче дивный и богомудрый!/ истинный наставниче на
путь спасения,/ учителю любви и целомудрия,/ Дивеево
дивное тобою ныне славится/ и святая твоя рака обитель
украшает,/ к нейже яко к самому тебе живу сущу
припадаем/ просяще согрешений прощения:/ не забывай
нас, радости наша// Серафиме, преподобне отче наш.

Слава, глас 2:

Днесь Церковь Русская ликует/ и прославляет собор
всех Дивеевских святых,/ во времена различна во обители
поживших,/ во всяцем чине и звании подвиги добрыми
подвизавшихся,/ знаемых купно и неизвестных/ ихже имена
написашася в книзе жизни./ Подобаше во едином месте
Господеву угодившим/ во един день светло праздновати,/
ихже предстательством и Владычицы Девы Богородицы
Покровом/ отечество и обитель нашу в мире сохрани//
Многомилостиве Христе, Боже наш.

И ны́не, Богоро́дичен, глас тойже:

Все упова́ние мое на Тя возлага́ю,/ Мати Божия,//
сохрани́ мя под кро́вом Твоим.

На стихо́вне стихи́ры, глас 2:

Подóбен: Егда:

Егда́ яко́ звезды́ светомъ добродетелейъ сияющія,/ озарили есте́ блистаниемъ чудесъ вси концы́ Русскія земли/ преподобныя матери наша́ Александро, Марфо и Елено,/ Царице́ Небеснейъ верно́ послужившия,/ тогда́ место подвиговъ вашихъ небо́ другое показали есте́,/ и ны́не память ваша́ согреваетъ верныхъ сердца́/ усердно́ молящихъ васъ: помяните насъ, госпожи́ и матери наша́// у Престола́ Божія́ во Царствіи́ Небеснемъ.

Стихъ: Дивенъ Богъ во святыхъ Своихъ,/ Богъ Израилевъ.

Егда́ яко́ злато въ печи́ искушенийъ сияющія,/ святыя блаженныя матери наша́ Пелагіе, Параскево́ и Маріе,/ шествовали есте́ теснымъ путемъ/ отвергшася́ себе́ и крестъ на рамо́ взявша́,/ тогда́ светомъ божественнойъ мудрости просвѣщаемыя,/ велия́ подвиги́ молитвенныя́ и постныя́ труды́ понесли есте́,/ и кто́ исповѣсть смиреніе, незлобіе, терпѣніе ваше?/ Помяните́ чадо́ своихъ зовущихъ вамъ любовію:/ радуйтесь, наши́ теплыя́ предстательницы́ и покровительницы́.

Стихъ: Святѣмъ, ѿже́ сѣуть на землі́ Его́,/ удиви́ Господьъ вся́ хотѣнія́ Своя́ въ нихъ.

Глас 8:

Подобен: О, преславного чудесе:

Приидите, вернии, согласно восхвалим/ Церкви
Христовы непоколебимое утверждение,/ Царицы Небесныя
славное ополчение/ мученика священна и святителя
всечестна Серафима,/ двоицу иереев Михаила и Иакова/
похвалу священства и пастырей истинных,/ жертвенник
красён свое сердце сотворивших,/ священную ризу кровью
обагривших,// ихже ради подвигов, Всесильне Спасе,
помилуй нас.

Сла́ва, глас и подобен тойже:

О преславного чудесе!/ Стопам последующе древних
мученик,/ твердым веры исповеданием/ гонений и
страданий крепким терпением/ преподобномученицы
Пелагии и Марфо/ и преподобноисповеднице Матроно,/
светом крестных луч осияваемая,/ венцем победы
увенчались есте всеблагославно,// ихже ради подвигов,
Всесильне Спасе, помилуй нас.

И ны́не, Богоро́дичен: Владычице, прими молитвы:

Тропарь пи́сан на вели́цей вечерни.

НА ВЕЛИЦЕЙ ВЕЧЕРНИ

Блажен муж: 1-й антифѡн. На Гѡсподи, воззвах:

стихирѣ на 8, глас 1:

Подобен: О, Дивное чудо:

О, дивное чудо!/ Всенепорочная Мати Света,/ избравши в жребий Свой обитель Дивеевскую,/ благія обетования о ней изрекла еси,/ Божія благословения и милости Своя богатыя являюще,/ да любовь Тебе благодарственно воспеваем:/ Благодатная, радуйся, с Тобою Господь, // подай миру Тобою велию милость.

Дивны Твоя тайны, Богородице,/ по слову неложнаго обетования/ обитель Твою присно посещаеши,/ божественными сиянии ангельскихъ воинствъ обступаема,/ и чины всехъ святыхъ земли Дивеевския прославляема,/ да и мы с ними Тебе любовь воспеваем:/ Благодатная, радуйся, с Тобою Господь, // подай миру Тобою велию милость.

О, дивное чудо!/ Благословенная обитель Дивеевская/ четвертымъ Уделомъ Божія Матере нарицается,/ и в нейже сонмъ святыхъ бывает,/ яко цвѣти честнии благовоннии,/ многоплодие добродетелей принесше,/ земли Русстей явльше славу велию,/ к нимъ припадаемъ зовуще тепле:/ о угодницы всехвальнии/ Господеви молитесь// даровати душамъ нашимъ миръ и велию милость.

Глас 2:

Подобен: Кѣими похвѣльными венцы:

Кѣими похвѣльными добрѡтами/ ублажимъ преподобнаго Серафима?/ Повелений Царицы Небесныя вернаго

исполнителя,/ обетованныя Ею обители устроителя и попечителя,/ сестер Дивеевских отца чадолюбиваго и духовнаго окормителя./ И всем помощника скорого и в скорбех утешителя,// и молитвенника теплаго о душах наших.

Кийми вдохновенными пёсньми/ воспоем преподобныя жены Дивеевския?/ Александру, Божия Матере избранницу/ и Ея Четвертаго Удела во вселенней первоначальницу;/ Марфу, отроковицу ангелоподобную,/ преподобнаго Серафима откровений сотайницу;/ Елену, кротости, смирения и воздержания образ,/ даже до смерти совершенную послушницу;// молитвенниц теплых о душах наших.

Кийми похвальными словесы/ возвеличим Пелагию, Параскеву и Марию блаженных?/ Разделенныя телесы и ко Господу духом горящим совокupленныя,/ странниц земных, взыскующих Отечества горняго,/ причастиц звания небеснаго,/ миру юродивых, обаче мудрых Христу,// Егoже молитe о душах наших.

Кийми достойными похвалами/ увенчаем священномучеников земли Дивеевския?/ Серафима, града святаго Петра архипастыря многострадальнаго,/ Иакова и Михаила, иереев благоговейнейших,/ столпов непоколебимых Церкви Православныя,/ новозаканных агнцев,/ обители Дивеевския славу и украшение,// и молитвенников теплых о душах наших.

Кии неизреченныя дары/ принесём по достоянию новомученицам и исповедницам земли Дивеевския?/ Марфе и Пелагии, инокиням честным и агницам Христовым,/

Матроне преподобней, имене Его Святаго исповеднице
твердѣйшей,/ мученицам Пузовским Евдокии, Дарии,
Дарии и Марии,/ первым христианом страданіи
подобницам,/ верным ученицам Господа нашего Иисуса
Христа, // Егѡже молите ныне о душах наших.

Слава, глас 4:

Днесь настá солнца светлѣйшій праздник/ собора
святых Дивѣевских,/ верныя к веселию созывает,/ и
лучами радости всех просвѣщает./ В них бо явіся слава
Христова,/ слава Церкви Православныя,/ дѣвными
сияюще чудесы;/ темже, вѣрнии, любовию вопиѣм:/
молитесь за ны ко Господу, // святии вси, в землѣ
Дивѣевстей просиявшии.

И ныне, Богородичен, глас тойже: Иже Тебе ради:

Вход. Прокімен дне. И чтенія три.

Пророчества Исаіина чтение (глава 43):

Тако глаголет Господь:/ вси языцы собѣрашася вкупѣ,/ и
соберутся князи от них,/ кто возвестит сѣя в них?/ Или,
яже от начала, кто слышана сотворит вам?/ Да приведут
свидѣтели своя и оправдятся,/ и да услышат, и да рекут
истину./ Будите Ми свидѣтели,/ и Аз Свидѣтель, глаголет
Господь Бог,/ и отрок, егѡже избрах,/ да познаете и
вѣруете Ми, и разумѣете, яко Аз есмь;/ прѣжде Менѣ не
бысть ин бог и по Мне не будет./ Аз есмь Бог, и несть,
разве Менѣ, спасаѣй./ Аз возвестих и спасох, уничижих, и

не бе в вас чуждый./ Вы Мне свидѣтели, и Аз Господь Бог./ И еще от начала Аз есмь,/ и несть от рук Моих избавляяй;/ сотворю, и кто отвратит то?/ Сіце глаголет Господь Бог,/ избавляяй вас Святый Израилев.

Премудрости Соломоновы чтѣние (глава 3):

Праведных души в руцѣ Божіей,/ и не прикоснется их мука./ Непщевани быша во очесѣх безумных умерѣти,/ и вменися озлобление исход их,/ и еже от нас шествіе — сокрушение,/ онѣ же суть в мире./ Ибо пред лицемъ человеческимъ аще и муку примут, / упование ихъ безсмертія исполнено./ И в малѣ наказани бывше, великими благодѣтельницами будут,/ яко Богъ искуси я и обрете ихъ достойны Себѣ./ Яко злато в горниле, искуси их/ и, яко всеплодіе жертвенное, прият я./ И во время посещения ихъ возсияют/ и, яко искры по стѣблию, потекутъ./ Судятъ языкомъ и обладаютъ людьми,/ и воцарится Господь в нихъ во веки./ Надѣющіися Нань разумеютъ истину/ и вѣрнии в любви пребудутъ Ему,/ яко благодать и милость в преподобныхъ Его/ и посещение во избранныхъ Его.

Премудрости Соломоновы чтѣние (главы 5 и 6):

Праведницы во вѣки живут, и в Господѣ мзда их,/ и попечение ихъ у Вышняго./ Сего ради примутъ царствіе благолепия/ и венецъ доброты от руки Господни,/ зане десницею покрываетъ я и мышцею защититъ их./ Приметъ всеоружіе рвеніе свое/ и вооружитъ тварь в месть врагомъ./ Облечется в броня правды/ и возложитъ шлемъ судъ нелицемерен./ Приметъ щитъ непобѣдимый преподобіе,/ и

поострѣтъ же напрасный гнев во оружие, / споборет же с
ним мир на безумныя. / Пойдут праволучныя стрѣлы
молниины / и, яко от благокругла лука облаков, на
намерение полетят, / и от каменомѣтныя ярости исполнь
падут грады. / Вознегодует на них вода морская, / реки же
потопят я нагло. / Спротивъ станет им дух силы / и, яко
вихрь, развеет их, / и опустошитъ всю землю беззаконие, / и
злодейство превратитъ престолы сильных. / Слышите убо,
царие, и разумѣйте, / навѣкните, судий концевъ земли. /
Внушите держащии множества / и гордящися о народехъ
язык, / яко дана есть от Господа держава вам / и сила от
Вышняго.

На литіи стихира храма, таже святых, глас 1:

Блаженна еси, чудная обитель Дивеевская, / славны вси
пределы твои, / стопами Пресвятыя Богородицы
освященныя и подвиги святыхъ прославленныя. / Ихже
всехвальную память совершающе, / славословим Христа
Бога, Дивнаго во святыхъ Своихъ, // и молимся спастися
душамъ нашимъ.

Слава, глас тойже:

Небесныхъ благъ струи нетленныя / цельбамъ источникъ
приснотекущій, / священная ваша мощи, о святіи
Дивеевстии, / сияниемъ Святаго Духа осеняемая, /
благоухаютъ и душетленныхъ страстей исцеляютъ // и напаяютъ
сердца верныхъ благодатию.

И нынѣ, Богородичен, глас тойже:

Всякое дыханіе и тварь/ похвалѣніе Тебе приносит,
Владычице;/ и инокини дивеевстии, заповѣдь преподобнаго
Серафима хранящи,/ пред иконою святаго Умиленія Твоего
пѣніе молебное возсылают:// Пресвятая Богородице, спаси
нас!

На стиховне стихиры святых, глас 5.

Подобен: Преподобне отче:

Преподобная мати наша Александро!/ Явленіем тебе
Царицы Небесныя Дивеево дивно освятися/ и Четвертым
жребіем Ея наречеса./ Ты же многими труды и
терпением/ в слезном покаяніи основаніе обители
положила еси/ и благодать Святаго Духа стяжавши/ ныне
в Небесных чертозах ликуеши// и молишися о спасеніи
душ наших.

Стих: Дивен Бог во святых Своих,/ Бог Израилев.

Преподобная мати наша Марфо;/ ангелоподобнаго
житія твоего ради/ возлюбленною ученицею преподобнаго
Серафима была еси,/ откровѣнія о грядущей славе Дивеева
от него приѣмлющи,/ и моленіе таинственное об основаніи
Мельничныя обители совершающе,/ избрана на служеніе
Царицею Небесною была еси,// Еяже моли о спасеніи
душ наших.

Стих: Святим, иже суть на земли Его,/ удиви Господь
вся хотѣнія Своя в них.

Преподобная мати наша Елено;/ ты отцу своему
духовному преподобному Серафиму/ в простотѣ сердца

повиновáлася еси, яко Христу,/ смерть вместо брата за послушáние приýвши;/ паче бо сея любвѣ никто́же ймать,/ да кто дýшу свою положит за дрýги своя, — глаго́лет Господь,// Егóже моли́ о спасении душ наших.

Слава, глас 6:

Самодержавную во́лю свою/ в прославлении твоём,
преподобне отче Серафиме,/ святы́й Царь Николай
являет,/ тя, яко великаго угодника и чудотворца почита́я,/ со святою цари́цею Алексáндрою/ пред мощáми твоими усердно мо́лится;/ да Господь благодать Свою на Русь Святую низпослёт// дáруя ей вѣлию милость.

И ны́не, Богорóдичен, глас тойже: Творе́ц и Избáвитель:

На благословѣнии хлѣбов тропáрь святых, дважды, и Богорóдице Дево: единожды.

Тропа́рь, глас 5:

Днесь церковная расширяются недра,/ приемлющи богатство Божия благодати/ и радуется Пресвятая Богородицы избранная обитель,/ память совершающе многоименитаго лика святых,/ в Небеснем Дивееве торжествующих// и молящихся о душах наших.

НА УТРЕНИ

На Бог Господь: тропарь святых, дважды.
Сла́ва, и ны́не, Богоро́дичен.

По 1-м стихослoвию седа́лен, глас 4:

Днесь яко солнце незаходи́мое,/ возсия́ всечестна́я
память собо́ра святых, в землі Дивеевстей просиявших,/
равноа́нгельным житием и мученическою сме́ртию Богу
угоді́вших,/ и дерзновение ве́лие у Него стяжа́вших,//
и́хже моли́твами, Боже, да́руй нам ве́лию милость.

Сла́ва, и ны́не, Богоро́дичен:

Во храме Пресвята́го Рождества Твоего, Богородице, —
усыпа́льнице моще́й святых,/ немолчное славословие
Господу возно́сится;/ и сим псалмопе́нием непрестанным
обитель Дивеевская обители „Неусыпа́ющих” уподо́билася
есть.

По 2-ом стихослoвию седа́лен, глас 6:

Днесь све́тло красуется обитель Дивеевская,/ и чада
Церкве Христовы ра́дуются,/ прославля́юще собор святых,
в землі сей просиявших,/ и ре́вностию ко спасению
просвещаются, взыва́юще:/ моли́твами, Господи, всех
святых землі Дивеевския// спаси́ ду́шы наша, яко
Милосерд.

Сла́ва, и ны́не, Богоро́дичен:

Егда́ в день празднования Пресвята́го Рождества
Твоего, Владычице,/ обитель Дивеевская ве́стию ско́рбною

о закрытии ея огласи́ся,/ тогда Ты, Пречи́стая, под Свой
Омофо́р взяла́ еси́ инокинь честных,// Ско́рая в беда́х
Помощнице.

Велича́ние

Велича́ем вас,/ вси святи́и земли́ Дивеевския,/ и чтим
святу́ю память вашу,/ вы бо мо́лите за нас// Христа Бога
нашего.

Избра́нный псалом:

Господи, Господь наш,/ яко чу́дно Имя Твое по всей
земли́./ Мне же зело́ че́стни бы́ша/ дру́зи Твои, Боже./
Изочту́ их,/ и па́че песка́ умно́жатся./ Дивен Бог во
святых Своих,/ Бог Израилев./ Святым, иже суть на
земли́ Его,/ удиви́ Господь вся хотения Своя в них./
Блаже́ни вси боя́щиеся Господа,/ ходя́щи в путѣх Его./
Восхва́ляются преподобнии во сла́ве,/ и возра́дуются на
ло́жах своих./ Воспо́йте Господеви песнь но́ву,/ хваление
Его в Це́ркви преподобных./ Соберите Ему́ преподобныя
Его,/ завеща́ющия завет Его о жертвах./ Весели́тесь о
Господе/ и радуйтесь пра́веднии./ Праведницы насле́дят
зе́млю/ и вселя́тся в век века на ней./ Мно́ги ско́рби
праведным,/ и от всех их изба́вит я Господь./ Милость же
Господня от века и до века/ на боя́щихся Его./ И правда
Его на сынѣх сыно́в, храня́щих завет Его/ и по́мнящих
заповеди Его твори́ти я./ От восток солнца до за́пад/
хва́льно Имя Господне.

Сла́ва, и ны́не: Аллилу́иа. Трижды.

По полиселѣи седѣлси, глас 4:

Иже в землі Дивѣевстей прослѣвльшиися,/ священномученицы, преподобнии, мученицы, исповедницы и блаженнии,/ подвиги своими Богу угодившии,/ и нетлѣния и славы венцы украсившеися,/ Христа Бога нашего молите/ мир Церкви нашей даровати// и душам нашим спастися.

Слава, и ныне, Богородичен:

Многими содержими напастьми,/ во всякой скорби душевной и обстоянии к Тебе прибегаем,/ Пресвятая Богородице,/ молебное пение Тебе, по заповеди преподобнаго Серафима, приносящи:/ О, Мати Слова и Дево,// от тяжких и лютых ны спаси!

Степѣнна, 1-й антифон 4-го гласа. Прокімен, глас 4: Дивен Бог во святых Своих,/ Бог Израилев. Стих: В цѣрквах благословите Бога, Господа от источник Израилевых. Всякое дыханіе: Евангеліе от Матфея, зачало 11.

По 50-м псалме стихира, глас 6:

Цѣркве Христовы светильницы,/ всея России украшение,/ святїи вси, в землі Дивѣевстей просиявшии,/ Владыку всех молите/ мир вселенней даровати// и душам нашим велию милость.

Канон Богородицы со ирмосом на 6 (ирмосы по дважды, тропари на 4) и святых на 8.

Глас 1.

Песнь 1

Ирмос: Твоя победительная десница,/ боголепно в крепости прославися:/ та бо, Безсмертне,/ яко всемогущая, противныя сотрэ,// израильтяном путь глубины новосодѣлавшая.

Припев: Все святии Дивеевстии, моли́те Бога о нас.

Дивеево — Четвёртый Удел Царицы Небесныя во вселенней — ны́не ликует,/ прославля́я собор святых своих, в землі сей просиявших,/ яко звёзды украсивших небо Церковное подвиги земнаго жительства своего.

Из уст преподобныя Александры восприяв, яко завет духовный, попечение об обители Дивеевстей,/ во вся дни живота твоего сию окормля́л еси, преподобне отче Серафиме,/ и доныне обѣта своего не нару́шил еси,/ святыми мощми́ своими zde почива́я.

Мѣста подвиговъ молитвенныхъ Саровскаго чудотворца посетив,/ любвию к нему возгорѣлся еси,/ священномучениче Серафиме,/ благословениемъ блаженныя Параскевы летопись обители Дивеевския составил еси,/ и тако прославлению и обрѣтению честныхъ мощей преподобнаго Серафима посóбствовал еси.

Чудотворцу Саровскому тезоименитый,/ мученическия кончины предречение от преподобнаго приял еси,/ обаче и утешения в видении от него сподобивыйся/ и ныне во Царствии Небеснемъ близ преподобнаго Серафима пребываеши.

Богорóдичен: Радуйся, Пресвятая Госпоже, освятившая Дивеево Твоим пришествием,/ радуйся, насадившая веру истинную, радуйся, собравшая монашествующих множество.

Песнь 3

Ирмós: Еди́не вѣдыйъ человеческого существа немощь,/ и милостивно в не́ вообра́жся,/ препоя́ши мя с высоты́ си́лою,/ еже вопі́ти Тебе, Святый:// одушевлѣнный хра́ме неизреченныя сла́вы Твоея́, Человеколюбче.

Егда́ повеление Царицы Небесныя о Четвѣртом Ея́ жрѣбии прияла еси, мати Александро,/ тогда а́бие на исполнение Прóмысла Божественнаго востѣкла еси,/ в предѣле жительства твоего обители Дивѣевстей нача́ло положивши.

Храм Казанскаго явления Пресвятыя Богородицы в Дивееве устроивши,/ преподобная мати наша Александро,/ добродетельми и сама украси́лася еси:/ смирением неисповедимым, слез источником непрестанным,/ молитвою к Богу чистейшею,/ любовью ко всем нелицемерною,/ и вельми великою и святою женою явилася еси.

Во Царствии Божием близ Царицы Небесныя со святыми дѣвами предсто́иши,/ Небеснаго Дивѣева начальнице,/ великаго ангельскаго образа совершенства восприѣмнице,/ госпоже́ и мати наша Марфо,/ помяни́ нас у Престола Божия во Ца́рствии Небе́сном!

Свобóдну себе от обру́чника земна́го сотворі́вши,/ со свѣтлою свеще́ю души́ твоея́, в сретение Небеснаго Жениха изшла́ еси, преподобная Елено,/ Емúже уневе́стившися, вся

житейская оставила еси,/ и в чертог небесный с мудрыми девами пріята быти сподобилася еси.

Богорóдичен: Радуйся, во Удел Себе Дивеево избравшая,/ радуйся, Заступницею места сего быти изволившая;/ радуйся, верным, пребывающим zde, Подательнице земных благ;/ радуйся, Споручнице вечнаго их спасения.

Седален, глас 1:

Яко звёзды многосветлыя,/ на небе Церковнем просиявшия,/ подвигов добропобедных сиянием и чудес зарями/ всю зёмлю Дивеевскую просветившии,/ вы бо Божественныя свѣтлости явились есте причáстницы/ и блаженныя вечныя жизни показались есте наследницы;/ тѣмже всерáдостную память вашу совершающе, верно вопиём:/ святии вси землі Дивеевския,/ молите Христа Бога грехов оставление даровати/ чтущим с любовию святую память вашу.

Слáва, и ны́не, Богорóдичен:

Благословѣнія Ивѣрії, Афóна и Кіева на Четвѣртый Свой Удел излияла еси, Царице Небесная,/ и до днесь благодать Всесвятаго Духа Божия и обіліе всех благ земных и небесных/ от мѣста Твоего возлюбленнаго, по слову Твоему, не оскудевают.

Песнь 4

Ирмós: Гóру Тя, благодатию Божию приосенѣнную,/ прозорливыма Аввакум усмотрев очима,/ из Тебе изыти

Израи́леву провозглаша́ше Святому, // во спасение наше
и обновле́ние.

Иже любит отца́ или ма́терь, сына́ или́ дочь па́че
Мене́, несть Мене́ досто́ин, — рече́ Господь, / и иже не
при́мет креста́ своего, несть досто́ин Мене́. / Ты же,
блаженная мати Пелаги́е, / вся домашняя своя оста́вльши,
Господу твоему послéдовала еси, / па́че же и ду́шу свою
возненави́дев, / в Жизнь Вечный соблюла́ еси ю.

Ихже око не ви́де, и ухо не слы́ша, и на се́рдце
человека не взыдо́ша, яже угото́ва Бог любящим Его; / ты
же, блаженная мати Параскево, / вся сия́ сокровища
вы́шня мудрости духо́вныя / безу́мием Христа ради
позна́ла еси.

Се бо, глаголет апостол, есть Жизнь Вечный, да
позна́ем Господа, / се же и смерть — не разумéти о нем; /
ты же, блаженная мати Марие, / прéжде жизни Жизнь
Вечную наследо́вала еси, / и прежде воскресения сию́
при́яла еси, / во éже пожéртой бы́ти безсловéсия смерти,
разума и позна́ния жи́знию, / якоже святитель Димíтрий
Росто́вский рече́.

Дивен Бог во святых Своих, / иже тленная в нетление
Прелагающий / и мертвенная в бессмертие Облекающий, /
святая мо́щи ваша нам Являющий, / блаженные матери
наша Пелагие, Параскево и Марие, / яко многоценное
сокровище, в земли сокровенное, / во образ грядущаго
всеобщаго воскресения.

Богорóдичен: Радуйся, теплая Ходатаице о живущих в
Четвертом Жребии Твоем; / радуйся, милость Сына Твоего

до скончания века месту сему обещающая;/ радуйся,
радосте и спасение душ наших.

Песнь 5

Ирмо́с: Просвети́вый сия́нием/ прише́ствия Твоего,
Христе,/ и освети́вый Кресто́м Твоим мира концы,/
сердцá просвети́ светом Твоего богоразумия,//
православно поющих Тя.

Яко зláто в горни́ле Бог искуси́ тя и обрѣте досто́йну
Себе, преподобномученице Марфо честна́я,/ и яко
всепло́дие же́ртвенное при́ят тя./ Ибо пред лицѣм
человеческим а́ще и му́ку при́яла еси,/ упова́ние твое
безсмертия испо́лнено,/ и вма́ле нака́зана бы́вши, великими
облагодѣтельницаствована еси на Небесѣх.

Тѣлом умерщвлѣна была еси, преподобномученице
Пелагие,/ мучение смертное от рук богоборцев при́явши,/
оба́че ду́хом низложи́ла еси де́монов немощны́я дерзости,/ и
во страдании своем венѣцъ при́яла еси нетленный от Христа
Бога нашего.

Иже а́ще испове́сть Сына Божия пред челове́ки на
земли́,/ и Господь на Небеси́ испове́сть того пред а́нгелы
Своими;/ ты же, преподобная Матроно, исповеднице,/
добрым по́двигом веры подвижа́лася еси,/ и испове́дала еси
доброе испове́дание пред мно́гими свидѣтели.

Преподобномученицы Марфо и Пелагие,/ и Матроно,
исповеднице славная,/ вами естество женское возрадовася:/
несть бо ныне мужеский пол, ни женский,/ но всяческая и
во всех Христос Бог,/ богат Сый во всех призывающих
Его.

Богорóдичен: Радуйся, Дево, яко благословением Твоим осени Дивеево сила Вышняго;/ радуйся, яко обитель Твоя наполнишася подвижающимися;/ радуйся, яко просия zde святых множество, молящихся о спасении душ наших.

Песнь 6

Ирмós: Обы́де нас последняя бѣздна,/ несть избавля́й,/ вменѝхомся, яко о́вцы заклeния./ Спаси́ люди Твоя, Боже наш:// Ты бо крепость немощствѹющих и исправлѣние.

Владѣмирскія землѣ обители настоятельство приѣмши,/ житие преподобнаго Евфѣмѣя Сѹждальскаго составил еси, священномѹчениче Серафиме;/ егда́ же тя Господь на архiereйство землѣ Тверскѣя призвѣ,/ почитѣние святѣя благовѣрныя княгини Анны Кѣшинскія утвердил еси,/ на блага́ Церкви Русскія вельмѣ послуживши.

О́трасле пречестна́я благочестѣваго кóрене, священномѹчениче Михаиле,/ священства сан наслѣдственно от отца своего прия́л еси,/ верности Богу и благочестию того послѣдуя,/ и единокрóвнаго брата твоего тождестрада́льник явился еси,/ с нѣмже моли́ся о душа́х наших.

Прехвальне священномучениче Михаиле,/ Архистратигу Небесных Сил тезоимените;/ кто яко Бог? — богоборцем взывал еси,/ ангелов началовождя и поборника дерзновение стяжавши.

Любóвию к чѣну монашескому преиспóлненный,/ дом свой аки обитель для всех труждающихся и обремененных сотворил еси, священномучениче Иакове,/ Авра́амле

страннолюбіе показу́я,/ и Иа́ковле чадорóдие духо́вне
приёмля,/ сего ради мзда сних патриархов на Небесéх тебе
даровáся.

Богорóдичен: Радуйся, яко наследіе Твое присно
призираеши;/ радуйся, яко благодати и милости Своя
сподобляеши нас;/ радуйся, благословеніе Сына Твоего на
нас низводящая.

Конда́к, глас 8:

Троицы сосуди явистеся честным вашим житіем/ и
Пресвятыя Богородицы послушницы,/ вси святіи в земли
Дивеевстей просиявшии,// помяните нас у Престола Божія
во Царствіи Небеснем.

Икос:

Аз есмь Лозá, вы же — рóждіе[□], —/ глаголет Христос
Бог Своим ученико́м./ Та́кожде и вы, святіи вси землі
Дивеевскія,/ явістеся в вертограде Небеснем рóждіе лозы́
Христовы,/ благоукрасі́вше Святую Церковь Русскую
плоды́ веры и благочестія,/ и ныне подаёте душáм нашим/
вино́ неисчерпа́емая благодáти,// мир и вéлюю милость.

Песнь 7

Ирмо́с: Авраа́мстии о́троцы в пещи́ Троицу
прообрази́вше,/ огненный пламень на рóсу преложі́ша,/ и
поюще вопияху:// благословен еси, Боже отец наших.

Тезоимéнная благоволенію Божию, мученице Евдокие
блаженная,/ нико́лиже попеченія, по заповеди, имела еси

[□] рóждіе — вѣтви

душею твоею, что ясти или что пѣти, ни телу своему, во что обещѣйся./ Взыскала бо еси прежде Царствія Божія и правды его,/ и сего ради благоволеніе обрела еси у Господа Бога отецъ нашихъ.

Единеми имены в Крещении нареченнии, Даріи, страсотѣрпицы Пузовстии,/ во единомъ возрастѣ четырёхъ десятицъ мученическую смерть прияли есте,/ по имени^{xxx} своему и житіе совершивши;/ ибо немощни сущи плотию, сильни Богу явитесь,/ верою победивше безбожія царствія и обетованіе приѣмши наслѣдія Царствія Небеснаго./ Побеждающему бо дамъ сѣсти на Престолѣ Моемъ,/ — рече Господь Богъ отецъ нашихъ.

Святителя Николая заступничествомъ исцеленіе отъ недуга получивши, мученице Маріе,/ и к блаженной Евдокии пришедши/ ейже до конца жизни своей послужила еси ради Христа,/ Господа Бога отецъ нашихъ.

Тридневная избиенія и смерть лютую претерпевши/ славныя мученицы Пузовстии,/ стопамъ последующи Подвигоположника Христа,/ велиимъ гласомъ зывали есте:/ Тебе ради, Женише нашъ, ищущи страдальчествуемъ,/ и распинаемся и спогребаемся крещенію Твоему/ и страждемъ и умираемъ Тебе ради,/ да и живемъ с Тобою, Господемъ Богомъ отецъ нашихъ.

Богородичен: Радуйся, всякихъ даровъ рабомъ Твоимъ Всещедрая Подательнице;/ радуйся, во брани, в болезняхъ и трудахъ ихъ премилосердая Утешительнице;/ радуйся, надежду и спасеніе душъ нашихъ.

^{xxx} имя Дарія означаетъ „сильная“, „побеждающая“

Песнь 8

Ирмос: В пещи́ о́троцы Изра́илевы,/ якоже в горни́ле/ добро́тою благочестия чистее́ зláта блестя́хуся, глаго́люще:/ благослови́те, вся дела́ Господня, Господа// и превозноси́те во вся веки.

Была́ еси зело́ нищелюби́ва, мати наша Александро,/ си́рот и вдовиц питательница,/ обаче ми́лостыню ти тайно, по заповеди, творя́щу,/ да не увéсть шу́йца твоя, что творит десни́ца твоя,/ и Видяй тайная благодея́ния твоя,/ возда́л есть тебе́ я́ве Отец наш Небесный,/ Су́щий над все́ми Царь во вся веки.

О, послушание!/ Ты соде́лало еси Бога Человеком, и человека богом соделоваеши, якоже святи́и отцы́ глаго́лют./ Образ сего́ послушания богоподобнаго при́ймши, мати наша Марфо,/ и по смерти к моле́ниям на́шим вельми́ послушли́ва явля́ешься,/ и сим и́стину, отцы́ рече́нную, утвержда́ющи,/ яко не умирает послушание во вся веки.

Голу́бкою тебе́ бы́ти повелева́я преподобный Серафим,/ госпоже́ и мати наша Елено,/ терпению, смирению, крото́сти и чистоте́ голуби́ней тя науча́л есть,/ да си́ми добродéтелями ко ино́ческому житию себе приугото́виши,/ и тако спасе́ши ду́шу свою во вся веки.

Тро́ичен: Узре́ша вси над храмом Троицы Живоначальныя/ го́рличищ белых три́ех и три́ех еродіев[□] в небеси́ над крестом паря́щих;/ сим зна́мением чу́дным яви́ Святая Троица Свое благоволение на освящение собо́ра во сла́ву Пресвятаго Имене Своего.

[□] еродій — аист, журавль, цапля

Богорóдичен: Радуйся, Хранительнице наша в настоящем веце;/ радуйся, Предстательнице и непостыдное упование в будущем;/ радуйся, прилог всякого зла от жребия Своего последняго отражающая.

Песнь 9

Ирмós: Образ чíстаго Рождества Твоего/ огнепалíмая купина́ показá неопальная;/ и ныне на нас напáстей/ свирéпеющую угасíти, мо́лимся, пещь,/ да Тя, Богородице, // непреста́нно величаем.

Преславнии священномученицы Серафиме, Михаиле и Иакове/ честною кровию вашею/ ризы священства обагрили есте/ и древняго запинателя смертию своею низложили есте.

Преподобномученицы Пелагие и Марфо славныя/ смерти Христа ради себе безбоязненно преда́сте,/ не смотряющим вам видимых, но невидимых:/ видимая бо страдания временна,/ невидимая же сла́ва вечна,/ тако рекли есте.

Преподобническим житием украсилася еси/ и Христа Бога исповеданием твердым,/ мати наша Матроно,/ в заточения отсылаема и на горькия работы изгоняема,/ в терпении мнозе, в скóрбех, в беда́х, в теснота́х пребывши,/ сего ради на небесех обрела еси мзду трудов твоих.

Разделенныя телесы, но ко Господу дúхом горящим совокупленныя,/ странницы земныя, взыскующия Отечества Горняго,/ Пелагия, Параскева и Мария блаженныя,/ достойныя преемницы преподобнаго Серафима во обители Дивеевстей явились есте.

Богорóдичен: Песни благодарственныя вси мы в обители сей святей живущии приносим Ти, Мати Божия,/ яко спасаеши нас присно от всякого обстояния,/ питаеши, устрояеши, о нас промышляеши./ И молим Ти ся:/ Божественнаго Царствия по кончине нашей сподоби нас.

Светѣлен, глас 5:

Радуйся, землѣ Дивѣевская славная,/ небесныя заступники имѹщи, вся святыя, в тебе проси́явшыя,/ днесь свѣтло праздник их соверша́юще,/ почитаем собор их.

Сла́ва, и ны́не, Богорóдичен:

Вѣрховной Игѹменией обители Дивѣевския бы́ти обеща́лася еси, Пречистая Дево,/ яко звѣзды небесныя и яко песо́к морскѣй умножа́я zde Господу служа́щих,/ и Тя Приснодеву, Матерь Света, и Сына Твоего велича́ющих.

На хвали́тех стихи́ры на 4, глас 5.

Радуется весь ангельскѣй собор,/ явился бо во стране Дивеевстей обитель Троицы Нераздельныя,/ от неяже произыде благолепный лик святых,/ в различныя лета различныя подвиги понесших,/ Единому же Господу послуживших,/ волю Царицы Небесныя верно исполнивших,/ преподобнаго Серафима заповеди свято соблювших,/ к нимже верою и любовию зовем:/ Радуйтеся, обители наша честный покров и заступление,/ в бедах поможение, в болезнях врачевание,/ обуреваемых тихое пристанище,/ солнца разсуждения, источницы

умиления,/ любвию своею нас согревающи и милости
многия низпосылающии, // во спасение душ наших.

Радуйся обитель Дивеевская, торжествующи,/ преславный сонм святых дивно украси Тя,/ верных раб и мудрых, евангельски Христу последовавших,/ тии бо нищии духом — сокровищами небесными обогатишася,/ плакавшие, источник слез и покаяния имущи,/ — благодати Утешителя Духа исполнишася,/ кротостию нрава — землю кротких наследоваша,/ алчуще и жаждуще правды Божия — достойно насытишася,/ за милость — помиловани быша,/ и яко чистии сердцем — чисто зрят Святую Троицу,/ миротворивше — любви истинныя показывают познание/ в преискреннем ближним служении,/ темже и божественного сподобишася сыноположения,/ изгнани правды ради и мучимы — блаженство улучиша,/ вечную славу, покой и красоту несказанную, // и молятся о спасении душ наших.

Светися, Церковь Божия, крестными зарями/ чада бо Твоя — святии во обители Дивеевстей просиявшии,/ Живоносного Креста благодатию укрепляемии,/ вѣдуще Единого Христа и Сего распята,/ сохраниша верность и любовь к Нему,/ страдания духовныя же и телесныя претерпеша доблественне,/ воины Христовы необоримии,/ нетленные венцы восприяша,/ и радуются ныне в нареченный сей и священный праздник,/ во свете неизреченном ликующе,/ ихже житию подражати потщимся, // во спасение душ наших.

Радуйся, дивный собор всех дивеевских святых,/ Христовою любовью связуемых,/ коль добро соединение ваше/ и коль красен и сладок общий сей ваш праздник,/ в

немже общее хваление сице приемлете:/ радуйтесь
красотою любви сердца наша украшающими,/ к
долготерпению и мужеству призывающими,/ уверяюще, яко
ничтоже возможет разлучити от любви Христовы,/ и ныне
Престолу Божию во славе предстояще,/ моли́тесь и нам
любви исполненным быти,/ во еже не себе угождати, но
ближним послужити// во спасение душ наших.

Сла́ва, глас 2:

Красу́йся ны́не, Дивее́вская землѣ/ принѣсшая Христу
Богу благодатию просия́вших в тебе:/ священномучеников
сла́вных — па́стырем украше́ние,/ преподо́бных оте́ц и
ма́терей — Ангелом сожи́телей,/ новомучениц и испове́дниц
— му́чеников сла́ву и похвалу́,/ блаже́нных — незло́бивым
цвет благоуханны́й.// Ихже моли́твами, Христе Боже,
помилуй нас.

И ны́не, Богоро́дичен, глас тойже:

Все упова́ние мое на Тя возлагаю́,/ Мати Божия,//
сохрани́ мя под кро́вом Твоим.

Славосло́вие вели́кое. Ектений и отпу́ст.

НА ЛИТУРГИИ

Блажѣнны от канона святых, песни 3-я и 6-я на 8. Прокімен, глас 4: Дівен Бог во святых Своих,/ Бог Израілев. Стих: В цѣрквах благословіте Бога, Господа от истѣчник Израілевых. Апѣстол ко Еврѣем, зачало 330. Конец: Взирающе на Начальника веры, и Совершителя Иисуса. Аллилуия, глас 4: Воззваша праведнии, и Господь услыша их, и от всех скорбей их избави их. Стих: Мнози скорби праведным, и от всех их избавит я Господь. Евангеліе от Матфея, зачало 11. Причастен: Радуйтесь, праведнии, о Господе, правым подобает похвала.

На запричастном: песнопения Пресвятей Богородице,
святим и стихира, глас 3:

Града Москвы святителю Филарете,/ церковное светило, уста златозарная,/ и преподобне Антоніе, игумене Радонежский,/ монашескаго жительства правило,/ достойно, яко миротворцев ублажаем вас/ истинных чтителей преподобнаго Серафима/ и обители Дивеевстей заступников теплейших,/ от нестроений и козней вражиих ея избавивших,/ вы, вкупе со святителем Феофаном, затворником Вышинским,/ попечение доброе о ней имели есте, и ныне, пастырие милостивии,/ от бед нас избавляете,/ напастей нечаемых восхищаете/ и присно Человеколюбца Бога умоляете// мир и единение нам даровати и велию милость.

МОЛИТВА

О, всечестный соборе святых, в земли Дивеевстей просиявших, полче Божественный, подвиги своими в Царское победоносное ополчение возшедый! О святии, любовию ко Пречистой Деве Марии и Уделу Ея Четвертому совокуплении, избранницы Царицы Небесныя и приснии Ея послушницы! Се ныне в день общаго вашего торжества приносим вам сие хвалебное пение.

Прославляем твоя великия чудеса, преподобне отче наш Серафиме, любимиче и собеседниче Владычицы нашея Пресвятыя Богородицы и всем прибегающим к тебе скоропослушный помощниче! Сохрани нас от прелестей мира сего лукаваго, да отвергшися себе и взявше крест свой, последуем Христу, распинающе плоть свою со страстьми и похотьми, носящи тяготы друг друга.

Ублажаем ваше святое житие, преподобныя Александро, Марфо и Елено, начальницы обители Дивеевския, камень веры во основание ея положившия, терпением и мужеством до конца врага низложившия и нас от козней его избавляющия. Молитесь да дух ваша любви ко Господу и ревность о угождении Ему не оскудевает в нас.

Восхваляем вашу богоподражательную любовь, блаженныя Христа ради юродивыя матери наша Пелагие, Параскево и Марие, ибо посрамили есте премудрость века сего, возносящуюся на разум Божий. Помозите нам спасительным буйством Креста Христова утвердившися, горняя присно, а не земная помышляти.

Величаем ваши великии подвиги, новомученицы и исповедницы преславнии Серафиме, Михаиле, Иакове, Пелагие, Марфо и Матроно, Евдокие, Дарие, Дарие и Марие. Споспешествуйте нам веру православную твердо содержать, да спасительное семя, вами всеянное, не изсушено будет зноем неверия, но плод изобильный да принесет.

О, святии сродницы наши! Не оста́вите чада ваша духовная, да в будущем веце услышим от вас блаженный глас ко Господу: се мы, и дети, яже дал еси нам, Господи! И, ра́дующеся, купно с вами прославим Бога, в Троице покланяемаго, Отца, и Сына, и Святаго Духа, ныне и присно, и во веки веков. Аминь.